



Xalq so'zi

O'zbekiston —
kelajagi
buyuk
davlat

2023-YIL — INSONGA E'TIBOR VA SIFATLI TA'LIM YILI

1991-yil 1-yanvardan chiqa boshlagan

WWW.XS.UZ

E-mail: Info@xs.uz

2023-yil 20-sentabr, № 197 (8540)

Chorshanba

Saytimizga o'tish uchun QR-kodini telefoningiz orqali skaner qiling.



O'ZBEKISTON PREZIDENTI BMT BOSH ASSAMBLEYASINING 78-SESSIYASIDA NUTQ SO'ZLADI

19-sentabr kuni Nyu-York shahridagi Birlashgan Millatlar Tashkiloti bosh qarorgohida BMT Bosh Assambleyasi 78-sessiyasining umumsiyosiy munozaralari boshlandi. Unda O'zbekiston Respublikasi Prezidenti Shavkat Mirziyoyev nutq so'zladi.



Sessiya raisi Dennis Frensis boshchiligidagi o'tayotgan munozaralarning birinchi kunida BMT Bosh kotibi Antoniu Guterrish, a'zo mamlakatlar yetakchilari — Amerika Qo'shma Shtatlari Prezidenti Jozef Bayden, Braziliya Federativ

Respublikasi Prezidenti Luis Inasiu da Silva, Turkiya Respublikasi Prezidenti Rejep Tayyip Erdog'an, Janubiy Afrika Respublikasi Prezidenti Siril Ramafosa, Qatar Davlati Amiri shayx Tamim bin Hamad Ol Soniy va boshqa davlatlar rahbarlari ishtirok etmoqda.

O'zbekiston Respublikasi Prezidenti Shavkat Mirziyoyev o'z nutqida hamjihatlik va amaliy hamkorlik ruhini saqlash, umumiy manfaatlarini mavjud ziddiyatlardan yuqori qo'ygan holda mamlakatlarni jipslashtirish zarurligini qayd etdi.



MARKAZIY OSIYO DAVLATLARI VA AQSH O'RTASIDA MUNOSABATLAR MUSTAHKAMLANIB BORMOQDA

O'zbekiston Respublikasi Prezidenti Shavkat Mirziyoyev Nyu-York shahriga tashrif dasturiga muvofiq 19-sentabr kuni Markaziy Osiyo mamlakatlari va Amerika Qo'shma Shtatlari yetakchilarining "C5+1" formatidagi birinchi sammitida ishtirok etdi.



Tadbirida Amerika Qo'shma Shtatlari Prezidenti Jozef Bayden, Qozog'iston Respublikasi Prezidenti Qosim-Jomart Toqayev, Qirg'iz Respublikasi Prezidenti Sadir Japarov, Tojikiston Respublikasi Prezidenti Emomali Rahmon va

Turkmaniston Prezidenti Serdar Berdimuhamedov qatnashdilar. Uchrashuv kun tartibiga muvofiq, savdo-iqtisodiy sheriklikni kengaytirish istiqbollari, "yashil" taraqqiyot, energetika xavfsizligini ta'minlash

va qayta tiklanuvchi energiya manbalarini joriy qilish, mintaqaviy xavfsizlik, terrorizm va transchegaraviy jinoyatchilikka qarshi kurashish sohalarida hamkorlik masalalari muhokama qilindi.



HAMKORLIKNI YANADA RIVOJLANTIRISHNING USTUVOR YO'NALISHLARI MUHOKAMA QILINDI

Xabar berilganidek, O'zbekiston Respublikasi Prezidenti Shavkat Mirziyoyev amaliy tashrif bilan Amerika Qo'shma Shtatlarida bo'lib turibdi.



19 sentyabr kuni BMT Bosh Assambleyasining 78-sessiyasi tadbirlari doirasida O'zbekiston Respublikasi Prezidenti Shavkat Mirziyoyevning Amerika Qo'shma Shtatlari Prezidenti Jozef Bayden, Jahon savdo tashkiloti (JST) bosh direktori Ngozi Okonjo-Iveala, Koreya Respublikasi Prezidenti Yun Sok Yol, Birlashgan Millatlar Tashkiloti Bosh kotibi Antoniu Guterrish bilan uchrashuvi bo'lib o'tdi. Amerika Qo'shma Shtatlari Prezidenti Jozef Bayden bilan uchrashuvda ikki tomonlama munosabatlar va mintaqaviy hamkorlikning dolzarb masalalari ko'rib chiqildi. AQSH Prezidenti mamlakatimiz mustaqilligi, suvereniteti va hududiy yaxlitligini hamda Yangi O'zbekistonda amalga oshirilayotgan va muqarrar tus olgan islohotlar siyosatini qat'iy qo'llab-quvvatlashini tasdiqladi.

AQSHning yetakchi kompaniya va banklari bilan amaliy hamkorlik loyihalarini ilgari surishga to'xtalib o'tildi. Ishbilarmonlar bilan o'tkazilgan ikki tomonlama uchrashuvlar hamda davlatimiz rahbarining AQSHga tashrifidan oldin o'tgan biznes forumi yakunlari mamnuniyat bilan qayd etildi. Inson huquqlari, gender tenglik sohalarida hamda inson farovonligini ta'minlashning boshqa yo'nalishlarida konstruktiv hamkorlikni davom ettirishga alohida e'tibor qaratildi. Jahon savdo tashkiloti (JST) bosh direktori Ngozi Okonjo-Iveala bilan uchrashuvda O'zbekistonning tez fursatda JSTga a'zo bo'lishi bo'yicha ko'rilayotgan chora-tadbirlar muhokama qilindi. Davlatimiz rahbari mamlakatimiz o'z oldiga

o'rta va uzoq muddatli rivojlanish bo'yicha qo'ygan maqsadlardan kelib chiqqan holda tashkilotga qo'shilish muhim ahamiyatga ega ekanini alohida ta'kidladi. O'zbekiston Prezidenti Ishchi guruhning navbatdagi yig'ilishini tayyorlash, shuningdek, jarayonda ishtirok etayotgan mutaxassislar salohiyatini kuchaytirish va malakasini oshirish masalalariga to'xtaldi. JST bosh direktori O'zbekiston tomonidan tashkilotga a'zo bo'lish borasida ko'rilayotgan choralarni yuqori baholadi. Ngozi Okonjo-Iveala JST Kotibiyati O'zbekistonning sa'y-harakatlarini to'liq qo'llab-quvvatlashini hamda mamlakatimiz yaqin kelajakda tashkilotga qo'shilishiga ishonch bildirdi. Uchrashuv yakunida Ishchi guruhining

navbatdagi yig'ilishiga tayyorgarlikni jadallashtirish, mutaxassislarning malakasini oshirish hamda qonunchiligimizni JST bitim va qoidalariga uyg'unlashtirish yuzasidan kelishuvga erishildi. Koreya Respublikasi Prezidenti Yun Sok Yol bilan uchrashuvda O'zbekiston bilan Janubiy Koreya o'rtasidagi alohida strategik sheriklik munosabatlarini yanada mustahkamlash va ko'p qirrali hamkorlikni kengaytirish masalalari ko'rib chiqildi. Azaldan yaqin do'stlik rishtalariga, xalqlarimizning mentaliteti, an'ana va qadriyatlarini o'xshashligiga asoslangan ikki tomonlama aloqalar izchil rivojlanib borayotgani alohida mamnuniyat bilan qayd etildi. O'zbekiston Prezidenti Janubiy Koreya bilan

keng ko'lami hamkorlikning yangi iqtisodiy kun tartibini shakllantirish masalalariga to'xtaldi. Keyingi yillarda o'zaro savdo va investisiya ko'rsatkichlari barqaror oshib bormoqda. O'tgan yilda tovar ayirboshlash 24 foizga ko'paydi. Mamlakatimizda qariyb mingta qo'shma korxonada faoliyat yuritmoqda, Koreyadan investitsiyalar hajmi 7 milliard dollardan oshdi. Koreya xalqaro hamkorlik agentligi, Koreya Eksimbanki va uning fondlari bilan ko'p yillar davomida samarali hamkorlik qilinayotgani, ular bilan birgalikdagi loyihalarning umumiy portfeli 3 milliard dollardan ziyodni tashkil etgani yuqori baholandi.



O'zbekiston Respublikasi Prezidenti Matbuot xizmati suratlari.

O'ZBEKISTON RESPUBLIKASI PREZIDENTI SHAVKAT MIRZIYOYEVNING BIRLASHGAN MILLATLAR TASHKILOTI BOSH ASSAMBLEYASINING 78-SESSIYASIDAGI NUTQI

Hurmatli rais janoblari! Hurmatli Bosh kotib janoblari, delegatsiyalar rahbarlari, xonimlar va janoblari! Birlashgan Millatlar Tashkiloti Bosh Assambleyasining bugungi sessiyasi xalqaro munosabatlar tizimida fundamental o'zgarishlar

yuz berayotgan bir sharoitda bo'lib o'tmoqda. Jahon miqyosida ishonch inqirozi kuzatilmoqda. Global xavfsizlik institutlari faoliyatidagi muammolar va xalqaro huquq me'yorlaridan chekinish kuchaymoqda. Va bularning barchasi keng ko'lamdagi keskinlik ortishiga sabab bo'lmoqda.

Geosiyosiy qarama-qarshiliklar tufayli savdo, investisiya va innovatsiya sohalarida erkin almashish yo'lida yangi to'siqlar vujudga kelmoqda. Hatto iqlim o'zgarishlari, ochlik va tengsizlikka qarshi kurash singari butun bashariyat taqdiriga daxldor bo'lgan masalalarda ham o'zaro muloqot izdan chiqqani sezilmoqda.

Bunday murakkab sharoitda amaliy hamjihatlik va hamkorlik ruhini saqlash, umumiy manfaatlarini mavjud ziddiyatlardan yuqori qo'ygan holda, mamlakatlarni jipslashtirish g'oyasi har qachongidan ham dolzarb bo'lib bormoqda. Biz o'tgan yili umumiy xavfsizlik va taraqqiyotga qaratilgan "Samarqand

birdamlik tashabbusi"ni ilgari surdik. Asosiy maqsadimiz mamlakatlarimiz va xalqlarimizning bugungi kuni va istiqbol uchun mas'uliyatni har tomonlama chuqur anglash, ochiq va konstruktiv hamkorlikka tayyor barcha tomonlarni global muloqotga jalb qilishdan iborat.

Birlashgan Millatlar Tashkiloti Bosh kotibi tashabbusi bilan kelgusi yil Kelajak sammiti o'tkazilishi xalqaro va mintaqaviy taraqqiyotning dolzarb muammolarini hal etishga, Tashkilotimizning ta'siri va samaradorligini yanada oshirishga xizmat qiladi, deb ishonaman.



O'zbekiston xalq shoiri Omon Matjon tavalludining 80 yilligi

«BU BOG'LARDAN BIZLAR O'TDIK...»

Prezidentimiz tashabbusiga muvofiq adabiyot ravnagiga ulkan hissa qo'shgan ustoz adiblarimiz ijodini o'rnatgan va keng targ'ib qilish ma'naviy islohotlarimizning tarkibiy qismi sanaladi.



Jumladan, Vazirlar Mahkamasining farmoyishiga ko'ra O'zbekiston xalq shoiri Omon Matjon tavalludining 80 yilligi mamlatdagi oliy o'quv yurtlari, bilim dargohlari va maktablarda keng nishonlanmoqda.

Ko'ha va qadimiy Xorazm vohasining Gurkan qasabasida tavallud topib, yana bir qadimiy shahar — Samarqandda ta'lim olgan Omon og'aning nazm olamiga ilk qadamlari ham sirli va timsoy.

SamDuning yo'laklari va darsxonalariga zabon bitsa agar — yosh ko'ngillarning ma'sum orzu va armonlarini baralla so'ylar edi.

Kitoblarining nomlanishi ham har qanday o'quvchini o'ziga darrov jalb etadi: "Ochiq derazalar", "Karvon qo'ng'iroqi", "Quyosh soati", "Seni yaxshi ko'raman", "Erkin havolarda"...

Shundan ko'rinish turibdiki, Omon Matjon XX asr o'zbek she'riyatiga qalbining ochiq derazalari bilan, Xorazmda yashagan zamindan inson ko'ngli va ruhiy dunyosi tomon yo'lga chiqqan nazmiy karvon qo'ng'iroqlari bilan, o'z vaqtini buyuk ajdodlarning quyosh soatiga to'g'rilab, elu yurtini sevib-suyib, tiniq va toza havolar baxsh etib kirib keldi.

Omon Matjonning mehribonlik ijodida dramatik dostonlar alohida o'rin tutadi. Ajdodlar nomi va xotirasi o'zida qazdirilgan tuyg'usi ajoyib asarlarga aylandi: "Pahlavon Mahmud", "Najmiddin Kubro", "Beruniy"...

Shoir Vatanni yuzaki "sevuvchi"larga beshfaqat. Vatanga muhabbat, avvalo, yurakda, jismu jonda bo'lishi kerak. Mana shu nuqtadan qaralganda, Omon Matjonning butun ijodi nima asosda qurilgan ayon bo'ladi.

Daryo milliyatidagi deng. Oqqani bilinmaydi-da. Biz ketyapmiz... Aka, mening jo'ralarim — zo'r-zo'r yigitlar ulal! Xorazmning chin farzandlari ulal! Bir aqlli yigitlar borki!.. E, ularning gaplarini eshitib tursangiz, bu dunyoning boshidan kirib, adog'idan chiqasiz.

Adog'idan kirib, bugunidan chiqasiz... Har holda, aka, men mana, Xorazmga ketib borayotirman. Ha.

REKLAMA

O'ZBEKISTON RESPUBLIKASI OLIY TA'LIM, FAN VA INNOVATSIYALAR VAZIRLIGI TOSHKENT AXITEKTURA-QURILISH UNIVERSITETI

2024 YIL UCHUN OLIY O'QUV YURTIDAN KEYINGI TA'LIM INSTITUTIGA QUYIDAGI IXTISOSLIKLAR BO'YICHA QABUL E'LON QILADI:

Table with 2 columns: Admission date and Program name. Includes programs like Tayanch doktorantura (PhD), DOKTORANTURA (DSc), and MUSTAQIL IZLANUVCHILIK.

Table with 2 columns: Admission date and Program name. Includes programs like Tayanch doktorantura (PhD), DOKTORANTURA (DSc), and MUSTAQIL IZLANUVCHILIK.

Table with 2 columns: Admission date and Program name. Includes programs like Tayanch doktorantura (PhD), DOKTORANTURA (DSc), and MUSTAQIL IZLANUVCHILIK.

Talabgorlar taqdim etadigan hujjatlar ro'yxati: ariza; qisqacha biografik ma'lumotnoma (ob'yektivka); mehnat daftarchasining belgilangan tartibda tasdiqlangan nuxsasi...

Talabgorlar taqdim etadigan hujjatlar ro'yxati: ariza; qisqacha biografik ma'lumotnoma (ob'yektivka); mehnat daftarchasining belgilangan tartibda tasdiqlangan nuxsasi...

Talabgorlar taqdim etadigan hujjatlar ro'yxati: ariza; qisqacha biografik ma'lumotnoma (ob'yektivka); mehnat daftarchasining belgilangan tartibda tasdiqlangan nuxsasi...

Advertisement for 'Xalq so'zi Narodnoe slovo' newspaper, including contact information, subscription rates, and address details.